

321 Ich sol doch nennen, wer der sî.
 ach, ich arman, unt owî,
 daz er mîn herze ie sus versneit!
 mîn jâmer ist von im ze breit.
 5 daz ist hie hêr Gawan,
 der dicke prîs hât getân
 unt hôhe werdecheit bezalt.
 unprîs sîn het aldâ gewalt,
 dô in sîn gir dar zuo vertruoc:
 10 ime gruoze er mînen hêren sluoc.
 ein kus, den Judas teilte,
 im solhen willen veilte.
 Ez tuot manec tûsent herzen wê,
 daz strenge mortlîche rê
 15 an mîme hêren ist getân.
 lougent des hêr Gawan,
 des antwurte ûf kampfes slac
 von hiute über den vierzegisten tac
 vor dem kûnege von Ascalun
 20 in der hôhen stat ze Schanpfanzun.
 ich lade in kampflîche dar,^K
 gein mir ze komen in kampfes var.
 kan sîn lîp des niht verzagen,
 ern welle dâ schildes ambet tragen,
 25 sô man ich in dennoch mêre
 bî des helmes êre
 unt durch ritter ordenlîchez leben.
 dem sint zwô rîche urbor gegeben:
 rehtiu scham unt werdiu triwe
 30 gebent prîs alt unt niwe.

wer er sî. *G (ohne OZ)

↓*G *T

daz (ez G) ist mîn hêr G., *G (ohne Z) (V) · Daz ist hie mîn hêr G., *T

zuo getruoc: *T

in gr. (in [mîn]: gr̥ze T) *T (nur T) (I)

im (In dem V) selben ([*]: solhen V selben den I) w. v. *T (I L Fr22)

sô a. *G (ohne Z)

in der houbetstat ze Tschanfenzun. *G (ohne Z) (*T)

ze komene gegen mînes k. ([kamp*]: kampfes T) var. *T · ↓*G

bî des schiltes êre *T

unt d. rîters o. l. *G (ohne Z) · unde d. rîterlîches ordens l. *T

unde rehtiu tr. *G (ohne LZ) unde wâriu tr. *T (I O)

*D: D *m: m *G: G I O L Z Fr22 (321.1–14 und 30) *T: T U V

1 Initiale D V 5 Majuskel T 7 Initiale G 9 Initiale O L Fr22 11 Initiale I 13 Majuskel D 17 Initiale Z 23 Initiale G 27 Initiale I

1 der] er *m 3 ie sus] alsus *m 4 mîn riuwe (trûwe L [Fr22] iamer Z rîwe U) ist von im alze breit (azebreit G worden breit I zû arbeit L [Fr22]). *G (U) · mîn riuwe von im ist ([*]: iamer ist von im V) alze breit. *T · ze] sô *m 5 hie] om. *m 8 aldâ] om. *m 10 mînen] mir den *m 14 daz strenge mortlîche rê, *m 15 an] daz an ([*]: Daz an V) *m G (V) 20 hôhen stat] houbetstat *m 22 in kampfes var] kampfvvar (campfer m) *m kampfes (schampfes O) var *G (ohne L)